

**AGINDUA, INGURUMEN ETA LURRALDE POLITIKAKO SAILBURUARENA, ZEINAREN BIDEZ ONARTZEN BAITA AIZKORRI-ARATZ (ES2120002) KONTSERBAZIO BEREZIKO EREMU (KBE) IZENDATZEKO DEKRETU-PROIEKTUARI ALDEZ AURREKO ONARPENA EMATEA**

2010eko irailaren 6ko Aginduaren bitartez, Atlantikoko eskualde biogeografikoko kontserbazio bereziko eremuak (KBE) eta Atlantikoko eta Mediterraneoko eskualde biogeografikoetako kontserbazio bereziko eremuak (KBE) izendatzeko Dekretua onartzeko espedienteari hasiera ematea erabaki zen. Eremu horien artean Aizkorri-Aratz ES2120002 BGL zegoen.

Prozedura hasi eta beharrezko azterlanak egin ondoren, ondorioztatu da eremu horretan, gutxienez, Batasunaren intereseko habitat naturalen 24 mota daudela; horietako lauk lehentasunezko izaera dute. Halaber, eremu horretan, gutxienez, 43/92/EEE Zuzentarauaren II. eranskinean biltzen diren bi flora-espezie daude, II eta IV. eranskinetan biltzen diren 11 fauna-espezieak, II. eranskinean baino ez diren biltzen sei espezie, eta IV. eranskineko 19 espezie. Nabarmentzekoa da, 2009/147/EE Zuzentarauaren I. eranskinean biltzen diren 20 hegazti-espezieak daudela, gutxienez. Aizkorri-Aratz eremuak duen kasuistika berezi hori dela-eta, komeni da mendialde horretarako dekretu-proiektu bat berariaz lantzea.

Gaur egun, eremu horrek Naturagune Babestuen tipologia bikoitza biltzen du: alde batetik, apirilaren 4ko 76/2006 Dekretuaren arabera Parke Naturala da eta bestetik, Natura 2000 Sareko eremua da, BGL den aldetik. Beraz, apirilaren 15eko 1/2014 Legegintzako Dekretuaren bidez onartutako Natura Kontserbatzeko Legearen testu bateginaren (NKLTB) 18. artikuluari jarraiki, eremu hori antolatzeke mekanismoak koordinatu egin behar dira eremuaren plangintza integratuko duen dokumentu bakar batean biltzeko eta horrela, kategoria bakoitzean aplika daitezkeen erregimen desberdinek osotasun koherente bat osatuko dute.

Bi tipologiai arautzen dituen dokumentu bakarraren lege-aurreikuspena ezin da lortu Parke Naturalen kasuan, tipologia horiek NBAP baten bidez (NKLTBaren 20. artikulua) eta Parke Naturalak EKPZ baten bidez (NKLTBaren 27. artikulua) arautu behar baitira. Hala ere, bi baliabide horiek Naturagune Babestuaren (NB) bi tipologiai premiak betetzeko baliagarriak izan daitezke.

Gainera, onartzean, oso kontuan hartzen da Eusko Jaurlaritzak eta foru-organoek dituzten eskumen konkurrenteak direla-eta, koordinazio-ahalegin berezia behar dela: NBaren deklarazioa Eusko Jaurlaritzari dagokio azken batean (NKLTBaren 19.1 artikulua); Parke Naturalei dagokienez, NBAPA izapidetzea eta onartzea Eusko Jaurlaritzaren eskumena da (NKLTBaren 7.a artikulua) eta aldez, EKPZrako prozedura bifasikoa jarraitzen da, hots, lehenik, foru-organoek izapidetzen dute eta organo horiek onartzen dituzte Parke Naturalaren kudeaketari dagozkion jarraibideak, eta bigarrenik, Eusko Jaurlaritzak izapidetzen du, araudiari dagokionez (NKLTBaren 29.e artikulua). Bestalde, KBEei dagokienez, helburuak eta araudiak onartzea Eusko Jaurlaritzaren eskumena da



(NKLTBaren 22.5 artikulua lehen paragrafoa) eta neurriak foru-organoei dagozkie (NKLTBaren 22.5 artikulua bigarren paragrafoa). Nolanahi ere, baliabide desberdin horiek guztiak EHAAn argitaratu behar izaten dira beti.

Gaur egun, koordinazio hori ez da posible izango. Izan ere, beste eremu batzuen egokitzapena atzeratzea ekarri duen NBAP batzuen tramitazio luzeak sortutako eragozpenez gain, behin betiko onartzeko zain dagoen EKPZ dokumentua EAEko Natura Kontserbazio Legeak ekarritako arau-aldaketaren aurretik bideratu zen, eta ez ditu betetzen NKLTBaren 18. artikulua aipatzen duen dokumentu bakarraren izaeraren parametroak. Artikulu horren arabera, dokumentu horrek honako hau jaso beharko luke: batetik, Natura 2000 Sareko eremua kudeatzeko jarraibideak eta neurriak, 22.5 artikuluekin bat; eta, bestetik, 27. artikuluari dagokion Urkiola Parke Naturalaren Erabiltzeko eta Kudeatzeko Plan Zuzentzailea.

Dekretuaren eduki eta onartze-prozedurari dagokienez, adierazi beharra dago prozedura hasi ondoren martxoaren 11ko 1/2010 Legeak eta urriaren 10eko 2/2013 Legeak Natura 2000 Sareari dagozkion lege-aldaketa batzuk eragin dituztela Euskal Herriko Natura Babesteko ekainaren 30eko 16/1994 Legean; horren guztiaren ondorioz, apirilaren 15eko 1/2014 Legegintzako Dekretuak onartzen duen Euskal Autonomia Erkidegoko Natura Kontserbazio Legearen testu bategina (NKLTB) sortu da; horrela, behar bezala betetzen dira bertan lege horiek.

Horregatik, aldez aurreko onarpena jasotzen duen Dekretuaren helburua Aizkorri-Aratz Natura 2000 Sareko kontserbazio bereziko eremu izendatzea eta Habitat Zuzentarauaren 6. artikulua horrelako KBEetarako eskatzen dituen kontserbazio-neurriak onartzea baino ez da; beraz, 18. artikulua ezarritakoa betetze aldera, dokumentuak egokitzea geroago utzi da, azken xedapenetan lehenean jasotakoarekin bat.

Hori dela-eta, aldez aurreko onarpena izango duen Dekretuak zati artikulatu labur bat eta hiru eranskin ditu. Lehenengo biak Eusko Jaurlaritzak zehaztu beharreko alderdiei dagokie, NKLTBaren 22. artikuluari jarraiki, eta honako hauek dira: lekuaren eta bere mugaketaren kartografia, izendapena arrazoitzen duten Batasunaren intereseko habitat motak eta animalia- eta landare-espezieak, horien kontserbazio-egoerari buruzko balorazio bat, lekuaren kontserbazio-helburuak eta jarraipen-programa bat. Hirugarrena foru-aldundiaren eskumenari dagokio eta bere garaian KBEa kudeatzeko neurriak jasoko ditu. Horretarako, foru-aldundiak orain aldez aurreko onarpena jasotzen duen Dekretu-proiektuan ezarritako helburuak hartuko ditu kontuan.

Dokumentu biak elkarrekin argitaratu beharko dira EHAA. Horregatik, administrazio bien arteko lankidetzak bideak garatu behar dira, emaitzak helbururako koherenteak eta eraginkorrak izateko, eta, aldi berean, herri partaidetza behar bezalakoa izatea ahalbidetzeko.

Xedapen Orokorrek Egiteko Prozeduraren abenduaren 22ko 8/2003 Legea betetze aldera, dagoeneko dekretu-proiektu egituratu bat landu denez, eta 2010eko irailaren 6ko Aginduko planteamenduekin bat, honako hau

EBAZTEN DUT:

Lehena.- Dekretu-proiektuari aldez aurreko onarpena ematea. Horrek "Aizkorri-Aratz" (ES2120002) Kontserbazio Bereziko Eremu (KBE) izendatu eta eremu horri dagozkion kontserbatzeko neurriak onartzen ditu.

Bigarrena.- Onartzeko prozedurarekin jarraitzea, Kontserbazio Bereziko Eremuak (KBE) izendatzeko dekretua onartzeko espedienteari hasiera ematea erabakitzeko den 2010eko irailaren 6ko Aginduak aurreikusitako izapideei jarraiki. Hala ere, NKLTBan jasotako araudi-aldaketek ekarritakora egokitu beharko dira.

Gainera, aipatu beharra dago hasiera emateko Agindu horrek aurreikusten zuela dekretu-proiektuak genero eraginaren ebaluazioa bete beharra, baina Emakundek aurreko agintaldian bideratu eta onartutako dekretuen inguruan emandako txostenak ezarri zuen horrelakoek ez zutela genero eraginaren ebaluazioa bete behar; beraz, izapide hori ez da beteko.

Hirugarrena.-Agindu hau Gipuzkoako eta Arabako foru-aldundietara bidaltzea, espediente osoaren kopiarekin batera; horrela, proiektu honetan ezarritako kontserbazio-helburuen baitan, NKLTBaren 22.5 artikulua bigarren paragrafoak aipatzen dituen kudeaketa-jarraibideak lantzeari ekin diezaion.

Laugarrena.- Bi administrazioen arteko lankidetzak sustatzen jarraitu beharko da, dokumentuen behar bezalako ezaipena egiteko; horrela, posible bada, dokumentu osoaren baterako informazio publikoko izapidea egingo da, hau da, Eusko Jaurlaritzaren zatia eta Gipuzkoako eta Arabako foru-aldundien zatiak batera.

Vitoria-Gasteizen,

INGURUMEN ETA LURRALDE POLITIKAKO SAILBURUA

Izpta: ANA OREGI BASTARRIKA.